



Imm. 124:

Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassianik piviusunngortitsineq aamma aalajangersakkanik attuumassutilinnik nutarsaaneq)

Imm. 125:

Inuussutissarsiutigalugu aningaasaateqarfiit pillugit allannguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

Imm. 126:

Sulliviit inuussutissarsiutitut ingerlatat ilaat pillugit inatsisip allanngortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

Imm. 127:

Aningaasaateqarfiit aamma peqatigiiffiit ilaat pillugit inatsisip allanngortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

(Inuussutissarsiornermut, Niuernermut Naalakkersuisoq)



Siullermeernera

Naalackersuisut sinnerlugit oqaluuserisassat immikkoortut sisamat 124,125,126 taavalu 127 imaqartut ingerlatsivinnut inatsisip allanngortinnissaa pillugu inatsisit, inuussutissarsiutigalugu aningaasaateqarfiit pillugit inatsisip allannguutit pillugit inatsisit, sulliviit inuussutissarsiutitut ingerlatat ilaat pillugit inatsisip allanngortinneqarneranut inatsisit aamma aningaasaateqarfiit aamma peqatigiiffiit ilaat pillugit inatsisit pillugit Kalaallit Nunaannut atuutsitsilerneq pillugu peqqussutinik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. Taakku tamarmik sisamaasut ataatsikkut oqaluuserissassanngortinneqartut imatut Naleqqamiit oqaaseqaateqarfigissavarput.

UKA 2019-imi Kalaallit Nunaannut piginnittuut pillugit malittarisassiat atuutsilertinnissaat siunertaralugu oqallisigineqarput aaliangersarneqarluni Danmarkimi naalagaaffimmut Naalackersuisut attaveqarnissaat aalajangiiffigisassatut siunnersuut Inatsisartut akuersissutigaat, tamatumalu kingorna maannakkut tamanna maanga inatsisartunut qaqqinneqarluni ingerlatseqqinneqarpoq.

Inatsisissatut siunnersuutit assigiinngitsunik imminullu ataqatigiiaartunik imaqartiterput ilaatigut peqqussutit piginnittuinnik nalunaarsuisarnerit pillugit malittarisassat atuutilissapput, ersarinnerulerlunilu piginneqatigiinnik ingerlatseqatigiiffinnillu il.il kikkut piginnittuinersut.

Taamatullu pinerlunnikkut pissarsianik malunnarunnaarsaanerup, imaluunniit qunusaarluni anguniagaqarnermut aningaasanik aaqquissuussiffiup atorneqarnissaanik iliuuserisat pinaveersaartinnissaat siunertaralugu tamanik takunnissinnaanerup annertusarneranik ilaatigut tamakku siunertaralugit.

V.M.B.A.-t allanngortinneqartussaanerat uanissaaq aqutissiuunneqassaaq ilaatigut A/S-inngorlugit tamanna ilaatigut ingerlatseqatigiiffiit aningaasataannut, aallartitsisartutut ingerlatseqatigiiffinnut, aningaasaatinik piginnittut taarsigassarsisarnerinik, akissarsisitsisarnermut politikkimut, taamatullu qanigisatut illuatungerisat peqatigalugit niuernernik takunnissinnaassusermut akuersisarnermullu tunngasut ilanngullugit, taamatullu kukkunersiuisartunik toqqaasarnermut kiisalu soraarsititsisarnermut tunngasut tassuunatigut ersarinnerusumik periuseqarfigineqalernissaat anguniarneqarmata Naleqqamiit naammagisimaarparput.



Malittarisassat nutarsarneri ingerlatsivinnut inatsisip allanngortinneqarnerat peqqussummi ilaapput taamatullu taakkunani naleqqussarneqartut ilagaattaaq IVS-imik pilersitsisinnaaneq atorunnaarluni anpartselskabinut aningaasaateqarnissamut piumasasaataasoq 50.000 kr.init 40.000 kr.-inut appartinneqarpoq.

Inatsisit kunngip peqqussutaatigut maanna suliat suliarineqartut Naleqqamiit naammagisimaarlutigit siunnerfiit nunatsinnut iluaqutaasussat saqqummiunneqartut taamatut oqaaseqarluta taperserlutigit oqaaseqarfigaagut.